

Kela[®]



Mánnábearrašat

Oanehaččat ja čielgasit | 2024
Lapsiperheet | Pohjoissaame

Sisdoallu

Kela doarjagat mánnábearrašii	3
Mánná šaddamin	6
Vánhemiidbeaiveruđat bearašfriijaid áigge	8
Mánáiddikšuma doarjagat bearašfriijaid maŋŋá	16
Jos mánná buohccá	21
Ealihandoarjja	22
Ohcan ja máksin	24
Ná Kela bálvala	27

Kela doarjagat mánnábearrašii

Dán gihppagis mitaluvvo, mo Kela doarju mánnábearrašiid. Kela doarjagiid veahkkin vanhemat sáhttiba leat ruovttus máná dehálaš vuosttas mánotbajiid áigge.

Čuovvovaš siidduin mitaluvvo dárkileappot, man ruđalaš doarjaga Kela máksá mánnábearrašii áhpehisvuodaáigge ja máná riegádeami maŋŋá.

Gihppagis mitaluvvo maiddái, mo Kela doarju máná dikšuma ja buhte mánás šaddan goluid.

Gihppaga loahpas leat dieđut das, mo mánnábearraša doarjagat ohccojuvvojit.

Gihpa mitala jagi 2024 dilis.



Lassidiehtu nehta ja telefonna bokte

Kela doarjagiin mitaluvvo davvisámegillii čujuhusas **www.kela.fi/davvisamegiella**

Mánnábearrašiid doarjagiin mitaluvvo dárkileappot Kela suomagielat siidduin **www.kela.fi/lapsiperheet**



Jos dus leat jearaldagat, sáhtát riŋget bálvalannummiri **020 692 206**

Gii sáhttá oažžut mánnábearrašiid doarjagiid?

Sáhtát oažžut Kelas mánnábearrašiid doarjagiid, go ásat Suomas fásta.

Jos ásat Suomas dušše oanehaš áigge, it dábálaččat sáhte oažžut Kela doarjagiid. Muhtumin doarjagiid sáhttet oažžut maiddái olbmot, geat orrot eará sajis muhto barget Suomas.

Jos leat ássan olgoriikkain dahje leat fárremin olgoriikkaide, dárkkis Kelas, sáhtátgo oažžut Kela doarjagiid. Fárren Suomas eret dahje oanehut orrun olgoriikkain sáhttá váikkuhit Kela máksin doarjagiidda.

Maid doarjagiid mánnábearaš sáhttá oažžut?

Kela doarjagat mánnábearrašiidda leat

- etniidoarjja
- vánhemiidbeaiverudat
 - áhpehisvuodaruhta
 - sierraáhpehisvuodaruhta
 - vánhemiidruhta
 - áhčiidruhta, jos máná rehkenaston áigi lei ovdal 4.9.2022
- mánáidruhta
- mánáiddikšuma doarjagat
 - ruoktodikšodoarjja
 - njuovžilis dikšunruhta
 - priváhta dikšuma doarjja
 - oassedikšunruhta
 - buohcci dahje doaimmashehttejuvvon máná doarjagat
 - ealihandoarjja.

Mánnábearaš sáhttá oažžut maiddái eará doarjagiid

Dárkkis maiddái, sáhtátgo oažžut eará Kela doarjagiid. Eará Kela doarjagat bearrašiidda leat ovdamearkan ássama doarjagat, studeantta doarjagat, vearjogeatnegasa doarjagat, bargguhisvuodadorvu ja buohccámii gullevaš buhtadusat. Dat leat ovdanbuktojuvvon iežaset gihppagiin.



Mánná šaddamin

Jos dudnuide lea šaddamin njuoratmáná, váldde vuos oktavuoda rávvehakkii.

Go áhpehisvuhta lea ovdánan, sáhtát ohcat Kela doarjagiid, dego etniiddoarjaga. Kelas oažžu maidái mánáidruđa, Kela-koartta ja iešguđetlágan doarjagiid máná dikšumii.

Etniidrávvehat bálvala áhpehemiid ja mánnábearrašiid

Jos leat áhpeheapme, váldde oktavuoda rávvehakkii. Rávvehagat leat buresveadjinguovlluid bálvalus, ja dat leat nuvtá. Rávvehagas bearaš oažžu ráđiid áhpehisvuodaáiggi ja riegádahttima várás. Lassin rávvehagas čuvvot eatni ja máná dearvvašvuodadili.

Eadni galgá fitnat rávvehagas dearvvašvuodadárkkistusas áhpehisvuoda álggus, mañimustá 18. áhpehisvuodavahkus. Go du áhpehisvuhta lea bistán unnimustá 22 vahku (154 beaivvi), rávvehat addá dutnje áhpehisvuodaduodaštusa. Dárbbasat dan, go ozat Kelas doarjaga.

Etniiddoarjja lea etniidpáhkka dahje ruhtasubmi

Sáhtát ohcat etniiddoarjaga, go áhpehisvuhta lea bistán 5 mánotbaji. Sáhtát válljet etniidpáhkka dahje 170 euro. Etniidpáhkka leat dikšundárbašat ja biktasat njuoratmánái. Sáhtát oažžut Kelas sámegeiel vuosttasgirjji etniidpáhkki.

Oza etniiddoarjaga mañimustá 2 mánotbaji ovdal rehkenastojuvvon áiggi

Mánáidruhta

Kela máksá juohke mánás mánáidruđa. Mánáidruhta máksojuvvo dábálaččat eadnái, áhččái dahje eará fuolaheaddjái. Máksin joatkašuvvá gitta dan mánotbaji lohppii, go mánná deavdá 17 jagi.

Mánáidruhta máksojuvvo mánáid meari mielde:

- ovttá mánás sulaid 95 euro mánotbajis
- guovtte mánás sulaid 200 euro mánotbajis
- golmma mánás sulaid 334 euro mánotbajis
- njealje mánás sulaid 507 euro mánotbajis
- viđa mánás sulaid 699 euro mánotbajis.

Vuolles 3-jahkásaš mánáin máksojuvvo stuorat mánáidruhta 1.4.2024 rájes. Bajádus lea 26 euro mánotbajis.

Oktofuolaheaddji oažžu bajádusa, mii lea sulaid 73 euro mánotbajis.

Mánáidruđas ii mana vearru.

Muitte ohcat mánáidruđa. Sáhtát oažžut mánáidruđa juo ovdal go mánná lea riegádan dahje máná riegádeami mañná.

Kela-koarta

Go mánná riegáda Suomas, diehtu máná riegádeamis mánná buohcceviesus álbmotregistarii ja doppe Kelai. Mánná oažžu identitehtadovddaldaga.

Go mánná lea ožžon nama, Kela sádde ruoktot Kela-koartta dehe buohcoadjokoartta.


Vánhemiidbeaiveruđat bearašfrijaid áigge

Áhpeheapme vánhen sáhtta álggahit friija juo ovdal go mánná riegáda. Máná riegádeami maŋŋá goabbáge vanhemat sáhttiba leat ruovttus ovttas mánáin. Kela máksá dán áiggis vanhemiidbeaiveruđaid, mat dorvvastit bearraša boađuid.



Bearašfrijat ja doarjagat Goas sáhtta oažžut doarjagiid?

Vulobealde lea govva, mas ovdanbuktojuvvo, man doarjaga Kela máksá vuosttas máná riegádeami áigge ja máná bajásšaddadettiin. Gova badjeoasis lea máná ahki. Ceahkit čujuhit, man ahkemuttus Kela máksá maidge doarjagiid.



* Vánhemat sáhttet oažžut vanhemiidbeaiveruđaid seammaáigásaččat eanemustá 18 árgabeaivvi áigge. Vánhemiidfriija sáhtta doallat molsašuddi osiin dan rádjai, go máná deavdá 2 jagi. Friija juhkojuvvo vanhemiid gaskkas. Vánhemiidfriija sáhtta juohkit mángga oassái ja doallat maiddái vurrolagaid.

Áhpehisvuodaruhta

Áhpeheapme vánhen sáhttá álggahit
áhpehisfriija áramusta 30 árgabeaivve nappo
sulaid 5 vahku ovdal máná árvaluvvon riegádanáiggi.

Áhpehisfriija áigge vánhen oažžu áhpehisvuodaruđa.
Dan máksojuvvo 40 árgabeaivvis nappo sulaid 6,5 vahku.

Sáhttát ohcat áhpehisvuodaruđa,
go áhpehisvuolta lea bistán 154 beaivvi dahje 22 vahku.
Oaččut rávvehagas áhpehisvuodaduodaštusa,
man dárbbášat ohcamuša mielddusin.
Kela máksá áhpehisvuodaruđa maŋálgihitii
eanemustá 2 mánotbáji áigodagas.
Sáhttát ohcat seamma ohcamušain maiddái vanhemiidruđa.

Dárkkis bargoaddis ovdal go ozat doarjaga,
oaččutgo áhpehisfriija áigge bálkká.

Muitte almmuhit bargoaddái áhpehisfriijas
maŋimustá 2 mánotbaji ovdal go álggahat friija.

Sierraáhpehisvuodaruhta

Jos gárttat barggustat suonjardeami,
kemikálaid dahje njoammudávdda vuložin,
sáhttát báhcit eret barggus dalánaga, go leat áhpeheapmin.
Dákkár dilis oaččut sierraáhpehisvuodaruđa.

Máná riegádeami maŋŋá áhpehisfriija
joatkkašuvvá sulaid 1–2 vahku.
Eadnái máksojuvvo dán áiggis áhpehisvuodaruhta.

Vánhemiidruhta

Sáhttát álggahit vanhemiidfriija,
go máná lea riegádan.
Vánhemiidfriijai sáhttá báhcit juobbágoabbá vanhemiin.
Soai sáhttiba leat friijas maiddái vurohagaidd.

Vanhemiidfriija bistá 320 árgabeaivvi
nappo sulaid 14 mánotbaji.
Goappáge vanhemas lea vanhemiidfriijabeivviin
bealli nappo 160 beaivvi.
Vánhen sáhttá luobahit nuppi vanhemiin 0–63 beaivvi
dahje eanemustá 10,5 vahku.

Kela máksá vanhemiidfriija áigge vanhemiidruđa.
Vanhemiidfriija sáhttá doallat molsašuddi osiin
dan rádjai, go máná deavdá 2 jagi.
Soaba goittotge iežat bargoaddiin vanhemiidfriijain.
Dárkkis bargoaddis ovdal go ozat doarjaga,
oaččutgo vanhemiidfriija áigge bálkká.
Jos oaččut bálkká,
Kela máksá vanhemiidruđa bargoaddái.

Jos bearaš oažžu jumežiid,
Kela máksá vanhemiidruđa 84 árgabeaivvi
dahje sulaid 14 vahku lasi.

Jos vánhen fuolaha mánás okto,
son sáhttá geavahit buot 320 árgabeaivvi ja
leat guhkit áigge vanhemiidfriijas.
Son sáhttá luobahit nuppi olbmui, gii dikšu máná,
eanemustá 126 vanhemiidruhtabeaivvi.
Gáibádussan lea, ahte mánás ii leat nubbi nannejuvvon
vánhen iige vanhemiin leat beallelaš,
gii sáhtášii oažžut vanhemiidruđa.

Oza vanhemiidruđa áiggil.
Kela máksá vanhemiidruđa maŋálgihitii
eanemustá 2 mánotbaji áigodagas.

Oza vanhemiidruđa maddái dan áigodagas,
mas du bargoaddi máksá dutnje bálkká.

Oassevánhemiidruhta

Jos divššut máná oasi beavvis ja barggat oasseáigásaččat,
sáhtát oažžut oassevánhemiidruđa.
Oassevánhemiidruhta lea bealli dievasmearálaš
vánhemiidruđas.

Sáhtát oažžut oassevánhemiidruđa,
jos barggat eanemustá 5 diimmu beavvis.
Go leat oassevánhemiidruđas ovtta beavvi,
dus gollá bealli vanhemiidruhtabeavvis.

Doarjja adopšuvdnavánhemiidda

Kela doarju adopšuvdnamáná vanhemiid measta seamma
láhkai go biologalaš vanhemiid.

Adopšuvdnavánhemat eaba sáhte oažžut áhpehisvuodaruđa,
muhto sii oažžut vanhemiidruđa oktiibuot 320 árgabeavvi.
Vanhemiidruhta sáhtá máksojuvvot dan beavvi rájes,
go oaččut adopšuvdnamáná dikšui.

Jos adopteret máná olgoriikkas,
de sáhtát ohcat Kelas ruđalaš doarjaga adopšuvnna goluide.

Áhčiidruhta

Dát siidu guoská du bearraša, jos

- máná árvaluvvon riegádanáigi lei ovdal 4.9.2022
- válddiide adopšuvdnamáná dikšui 30.7.2022
dahje dan ovdal.

Jos máná riegádii dahje adopšuvdnamáná váldojuvvui dikšui
maŋnelis, máná nubbi vanhen sáhtá oažžut vanhemiidruđa.

Loga vanhemiidruđas siiddus 11.

Áhčči sáhtá doallat áhčiidfriija
oktiibuot eanemustá 54 árgabeavvi dahjege sulaid 9 vahku.
Kela máksá áhčiidfriija áigge áhčiidruđa.

Áhčči sáhtá leat áhčiidfriijas 1–18 árgabeavvi
nappo eanemustá 3 vahku seamma áigge,
go eadni lea luomus.
Sáhtát doallat dán oasi áhčiidfriijas hávil
dahje juohkit dan eanemustá njealje oassái.

Jos leat juo doallán 18 árgabeavvi friija,
sáhtát doallat vel 36 árgabeavvi lasi.
Sáhtát doallat daid dan maŋná,
go vanhemiidruhta lea nohkan.

Sáhtát doallat friija hávil dahje guovtte oasis.
Jos it leat vel doallan olláge friija,
sáhtát doallat visot 54 árgabeavvi hávil.

Jos bearaš oažžu jumežiid,
Kela máksá áhčiidruđa vel 18 árgabeavvi lasi.
Dáid beivviid sáhtát doallat oktanaga etniin
dahje vanhemiidruđa nohkama maŋná.

Doala áhčiidfriija ovdal go mánná lea 2 jagi.
Sáhtát ohcat áhčiidruđa máhccevaččat.
Oza áhčiidruđa goittotge
ovdal go mánná deavdá 2 jagi ja 2 mánotbaji.

Almmut bargoaddái áhčiidfriijas mañimustá
2 mánotbaji ovdal go friija álgá.
Jos friija bistá 1–12 árgabeaivvi,
lea doarvái, ahte almmuhat das ovtta mánotbaji ovddalgihtii.
Sáhtát ohcat áhčiidruđa maiddá, jos leat ovdamearkka dihte fitnodatdoalli, bargguheapme dahje studeanta.

Man olu doarjaga oažžu?

Vánhemiidbeaiveruđaid mearri rehkenastojuvvo
jahkeboaduid vuodul.
Jahkeboadut oaivvildit du boaduid 12 mánotbaji áigodagas.

Jos sáhtát oažžut doarjaga ovdamearkan miessemánu 2024 rájes,
Kela rehkenastá doarjaga meari daid boaduid vuodul,
maid don leat ožžon 1.4.2023–31.3.2024.

Doarjja lea álo unnit go bálká.
Dábálaččat dat lea sulaid 70 proseantta boaduin.

Doarjagii váikkuha maiddá dat,
jos leat studeren dahje leamašan buozus dahje bargguheapmin.
Unnimus doarjja lea 31,99 euro beaivvis
dahje sulaid 800 euro mánotbajis.
Ovdamearkka dihte studeanta oažžu dán veardde doarjaga.

Vánhemiid beaiveruđain manná vearru.

Bargái čoggo ealáhat ja jahkeluopmu dan áigodagas,
go son lea vánhemiidfriijas.

Jos oaččut vanhemiidfriija áigge bálká,
Kela máksá doarjaga bargoaddá.



Mánáiddikšuma doarjagat bearašfriijaid maŋŋá

Vánhemiidfriija maŋŋá dahje vánhemiidruhtabajiid gaskkas sáhtát

- oažžut ruoktodivššu doarjaga, jos mánná ii oassálastte gieldda árrabajásgeassimii
- oažžut ruoktodivššu dahje priváhta divššu doarjaga, jos mánná oassálastá priváhta árrabajásgeassimii.

Sáhtát maiddáai oažžut njuovžilis dikšunruđa, jos barggat eanemustá 30 diimmu vahkus eaige dutnje máksojuvvo vánhemiidbeaiveruđat. Mánáiddikšuma doarjagat eai máksojuvvo vuolled mánotbaji áiggis.

Ruoktodikšodoarjja

Ruoktodikšodoarjaga sáhtát ohat, jos vuollil 3-jahkásaš mánná dikšojuvvo eará sajis go gieldda árrabajásgeassimis, ovdamearkan ruovttus. Dikšun sáhtá leat máná vanhén dahje gii nu eará, ovdamearkan áhkku, áddjá dahje bálkáhuvvon dikšu.

Sáhtát oažžut ruoktodikšodoarjaga, go máná riegádeamis lea gollan 160 árgabeaivvi. Dalle mánná lea sulaid 6 mánotbaji ahkásaš.

Ruoktodikšodoarjaga ii sáhte oažžut, jos mánná lea gieldda árrabajásgeassimis. Ruoktodikšodoarjja sisttisoallá dikšunruđa ja dikšunlasi. ležat ruovttugielda sáhtá dan lassín máksit gielddalasi.

Dikšunruhta lea

- sulaid 378 euro mánotbajis ovtta vuollil 3-jahkásaš mánás
- sulaid 113 euro mánotbajis jokaisesta juohkehaš eará bearaša vuollil 3-jahkásaš mánás
- sulaid 73 euro mánotbajis juohke badjel 3-jahkásaš muhto vuollil skuvlaahkásaš mánás.

Dikšunlasi oažžu dušše ovtta mánás ja dat lea eanemustá sulaid 202 euro mánotbajis. Dikšunlasi mearri lea sorjavaš vanhemiid bođuin.

Muhtun gielddat mákset ruoktodikšodoarjaga lassín gielddalasi. Jeara ruoktogielddastat dahje Kelas, sáhtátgo oažžut gielddalasi.

Ruoktodikšodoarjagis gesso vearru.

Priváhta dikšuma doarjja

Sáhtát oažžut priváhta dikšuma doarjaga, jos máná divššus vástida bálkáhuvvon dikšu dahje priváhta árrabajásgeassinbáiki. Priváhta dikšuma doarjaga sáhtá oažžut, jos mánná lea deavdán 9 mánotbaji, muhto lea ain vuollil skuvlaahkásaš. Doarjaga ii sáhte oažžut, jos mánná lea gieldda árrabajásgeassimis. Priváhta dikšuma doarjagii gullet dikšunruhta ja dikšunlassi. Du ruovttugielda sáhtá dán lassín máksit gielddalasi.

Dikšunruhta lea sulaid 192 euro mánotbajis.
Jos mánná lea ovdaoahpahasagis
ja árrabajásgeassimis oasseáigásaččat,
dikšunruhta lea sulaid 71 euro mánotbajis.

Dikšunruđa lassin sáhtát oažžut dikšunlasi.
Dat lea eanemustá sullii 266 euro mánotbajis.
Dikšunlasi mearri mearrašuvvá boaduid vuodul.
Jos oaččut unnit dikšunruđa,
de maiddái dikšunlassi lea uhcit.

Kela máksá priváhta dikšuma doarjaga
báikáhuvvon dikšui dahje árrabajásgeassinbáikái.

Priváhta dikšuma doarjagis gesso vearru.

Njuovžilis dikšunruhta

Sáhtát oažžut njuovžilis dikšunruđa,
jos barggat eanemustá 30 diimmu vahkus
ja eará áiggiid divššot mánát.
Kela máksá njuovžilis dikšunruđa vuollil 3-jahkásaš mánás.

Njuovžilis dikšunruđa sáhtát máksit goappáge vanhemi.
Dalle goabbáge vanhen galgá bargat
oanehut bargobeavvi go dábálaččat.
Soai galgaba dikšut máná sierra áiggiid dahje sierra beivviid.

Njuovžilis dikšunruhta máksojuvvo bargoáiggi mielde.
Dikšunruhta sáhtát leat juogo sulaid 269 euro mánotbajis
dahje sulaid 179 euro mánotbajis dan mielde,
man olu gaskamearálaččat barggat vahkus.

Kela máksá njuovžilis dikšunruđa ovtta vanhemi ain hávil
ja dušše ovtta mánás.

Njuovžilis dikšunruđas gesso vearru.

Oassedikšunruhta

Sáhtát oažžut oassedikšunruđa,
go leat barggus eanemustá 30 diimmu vahkus
máná dikšuma geažil.
Kela máksá oassedikšunruđa mánás
guhte lea 1. dahje 2. luohkás skuvllas.
Oassedikšunruhta lea sulaid 108 euro mánotbajis.
Das gesso vearru.

Kela máksá oassedikšunruđa ovtta vanhemi ain hávil
ja dušše ovtta mánás.

Seamma vanhemi ii sáhte máksit oktanaga
oassedikšunruđa ja njuovžilis dikšunruđa.



Jos mánná buohccá

Jos du mánná buohccá,
de sáhtát doalvut su dearvvasvuodaguovddáži
dahje priváhta doaktárii.

Kela buhtte oasi priváhta doaktára mávssuin.
Lassin Kela buhtte oasi dálkasiid hattis.
Dearvvasvuodaguovddáža divššu Kela ii buhtte.

Gaskaboddasaš dikšunfriija

Jos vuollil 10-jahkásaš mánná buohccá fáhkka
ovdamearka dihte nurvui ja feberii,
de sáhtát báhcit eret barggus dikšut su.
Dát gohčoduvvo gaskaboddasaš dikšunfriijan.

Gaskaboddasaš dikšunfriija lea eanemustá 4 beaivvi.
Eanaš bargoaddit mákset
gaskaboddasaš dikšunfriija áigge bálkká.
Kela ii mávsse doarjaga dán áiggis.

Lossadit buohcci dahje doaimaváttot máná dikšun

Kela doarju lossadit buohcci dahje doaimaváttot
máná divššu.

Kela doarjagat ja bálvalusat leat

- sierradikšunruhta vánhemii,
guhte dikšu vuollil 16-jahkásaš máná
- vuollil 16-jahkásačča doaimaváttolašvuodadoarjja
- lossaváttot medisiinnalaš veajuiduhttin.

Daid birra muitaluvo čuovvovaš brošyrain:

- Buohcan ja doaimaváttolašvuodadoarjagat
- Veajuiduhttin.

Ealihandoarjja

Jos vanhemat earráneaba, soai sáhttiba mearridit, ahte mánát báhcet orrut dušše nuppiin vanhemiin. Dalle dat vanhén, gean luhtte mánná ii oro, máksá ealihanveahki vanhemi, gean luhtte mánná orru. Vanhén, gean luhtte mánná ii oro, gohčoduvvo ealihangeatnegassan.

Muhtumin ealihangeatnegas ii mávsse ealihanveahki dahje ealihangeatnegas vanhén ii leat. Dalle Kela sáhtta máksit ealihandoarjaga dan vanhemi, geainna mánná ássá.

Kela máksá ealihandoarjaga, jos

- ealihangeatnegas vanhén ii leat máksán ealihanveahki
- ealihanveahki lea uhcit go ealihandoarjja ealihangeatnegasa ruhtadili dihte
- dušše okta vanhén adoptere máná
- mánás ii leat nannejuvvon vanhén
- mánás lea nannejuvvon áhčči dahje eadni, muhto ealihanveahki ii leat sáhttan nannet.

Ealihandoarjja lea sulaid 196 euro mánotbajis máná guovdu. Ealihandoarjagis ii mana vearru.

Diehtun ealihangeatnegas vanhemi

Jos Kela máksá ealihandoarjaga, de dat bearrá ealihangeatnegasas mávssekeahhtá báhcán ealihandoarjagiid. Dat gohčoduvvojit ealihandoarjjavealgin.

Jos it nagot iežat ruhtadili dihte máksit ealihandoarjjavealggi Kelai, sáhtat ohcat Kelas máksinfriija.



Ohcan ja máksin

Oza buot mánnábearrašiid doarjagiid nehtas:

www.kela.fi/neahtas

Dárkkis ohcamušas,
mat čuvvosat das galget leat mielde.
Čuvvosiid sáhttá maiddái sáddet nehta bokte.

Sáhtát ohcat doarjaga maiddái skoviin,
man oaččut Kela doaimmahagain ja neahtasiidduin:

www.kela.fi/skovit

Kela poastačujuhhus lea

Kela

PL 10

00056 KELA

Sáhtát dikšut eanaš Kela-áššiid maiddái telefovnnas.

Go Kela lea gieđahallan du ohcamuša,
oaččut ruoktot mearrádusa.
Mearrádusas mitaluvvojit ealáhaga dahje doarjaga mearri,
ákkastallamat ja máksinbeaivi.
Oaččut mearrádusa maiddái dalle,
jos dutnje ii leat mieđihuvvon ealáhat dehe doarjja.

Kela máksá doarjagiid du bânkokontui.

Mánáidruhta boahtá kontui dábálaččat
mánobaji 26. beaivvi.
Jos bânkkut leat dalle gitta
dahje jos máksinbeaivi lea bassebeaivvi maŋŋá,
mánáidruhta boahtá kontui juo árabut.

Almmut, jos du dilli nuppástuvvá

Jos du eallin nuppástuvvá,
dat sáhttá váikkuhit Kela doarjagiidda, maid don oaččut.
Nuppástus sáhttá guoskat ovdamearka dihte ássama,
boađuid, bargama dahje bearraša.

Muitte almmuhit nuppástusain Kelai.
Sáhtát dahkat dan nehtas, telefovnnas dahje doaimmahagas.

Dus lea ovddasvástádus iežat bealis sihkkarastit,
ahte Kelas leat rivttes dieđut.
Dalle dutnje máksojuvvon doarjaga mearri lea riehta.

Jos mearrádusas lea feaila

Jos leat dan oaivilis, ahte Kela mearrádusas lea feaila,
sáhtát ohcat nuppástusa mearrádussii.

Oaččut mearrádusa mielde rávvagiid das,
mo nuppástus ohccojuvvo.

Jos dus leat jearaldagat,
várdde vuos oktavuoda Kelai.



Nehtas sáhtát

- ohcat doarjagiid
- sáddet čuvvosiid
- dárkkistit iežat ohcamuša dili
- sáddet dieđuid
- almmuhit nuppástusain
- heaittihit doarjaga.

Kela davvisámegillii

Davvisámegiela neahttasiiddut:
www.kela.fi/davvisamegiella

Davvisámegiela brošyrat:

Almmolaš ássandoarjja

Áigáiboahandoarjja

Bargguhisvuohta

Buohcan ja doaimaváttolašvuođadoarjagat

Ealáhagat ja eará ealáhatoažžu doarjagat

■ **Mánnábearrašat**

Olgoriikkain Supmii dahje Suomas olgoriikkaide

Studeanttat ja vearjogeatnegasat

Veajuiduhttin

Davvisámegiela gihppagiid sáhtta čálihit
Kela neahttasiidduin:
www.kela.fi/brosyrat